

現代生活藝術系列

# 華嚴經疏論纂要

60

——十地品之一

華藏淨宗學會印贈

大方廣佛華嚴經疏論纂要卷第六十

五臺山清涼國師澄觀疏鈔

太原方山長者李通玄論

閩鼓山私淑比丘道需纂要

十地品第二十六之一

○四門中初來意

〔疏〕來意者。爲答普光十地問故。夫功不虛設。終必有歸。前明解導行願。賢位因終。今明智慧冥真如。聖位果立。故有此會來也。前是教道。此是證道。教爲證因。證卽證前。三心之教。故無性攝論云。此聞熏

習雖是有漏。而是出世心種子性。卽斯義也。然會來卽是品來。一會之中。唯一品故。故釋名宗趣。亦品會無差。鈔言證前三心者。謂直深大悲。三菩提心。三賢別增。此中齊證故。

○次釋名

〔疏〕釋名者。會名有三。一約人名。名金剛藏會。二約處。名他化自在天會。謂他化作樂具。自得受用。表所入地。證如無心。不礙後得而起用故。不處化樂者。表凡聖隔絕故。三約法。名十地會。卽同品名。所以得此名者。本業云。地名爲持。持百萬阿僧祇功德。亦名生成一切因果。故名爲地。本論云。生成佛智。

住持故。卽斯義也。

〔論〕何故名爲十地品。釋曰。以明如來普光明智以成地體。如經如是菩薩已踐如來普光明地。卽大圓鏡智是。所說四智及一切種一切智之差別。以此爲智體。以諸菩薩登十住十行十迴向。不離此體。道力未充。更以十波羅密十重進修。令其道力圓滿。名爲十地。又以一波羅密中而自具十法。名爲十地。十十之中具百。百不移十。故名爲十地。乃至十百十千十萬十十萬十億。乃至十不可說。明十數該含一多無盡。故云十地。此十地之法。通

因十。卽通十信。所信十箇佛果。卽以普光明殿所說十箇佛果。不動智佛爲初信故。乃至無礙智佛。解脫智佛。通十箇智佛爲所信之果。進修之中。經十住。十行。十廻向。還將十信之中十箇智果以成此十地之體。十箇智佛。以不動智佛爲本。不動智佛以普光明智爲本。普光明智以無依住智爲本。又無依住智以一切衆生爲本。如善財見彌勒菩薩。彌勒菩薩還令善財卻見初善知識文殊師利。是其義也。乃至於五位滿。不離初信之佛果也。以此十地之法。通初徹末。一際法門。是故號名十地。

品。品者。均分義。一多次第。升進同別。階級義故。此  
乃是無升進中進修。無層級中層級。且畧言之。十  
地之體。若無十信。能信自心。初佛果者。十地亦不  
成故。十信之初心。無十地。十一地之佛果。亦無成  
信心故。始終總是不動智之果故。能信自心者。亦  
佛果故。如是信心。方得成信。其所修因果終始。不  
異不動智佛故。是故此經。十住。十行。十迴向。皆有  
隨位進修因果。十佛號故。十地。十一地。以取十迴  
向中佛果通號。更不別立佛名號故。爲此後十地  
十一地。但取十迴向中。理智大悲。妙用蘊積。使德

行功熟。更無異法。以此義故。十迴向中十箇佛果。總號之爲妙。爲明十迴向。已和會理事悲智妙用法成故。以此如來亦不云升天。他化天王。亦不云遙見。亦無迎佛。及以興供。古人云。十地無迎佛及敷座者。以經來文未足者。此非爲得經之意也。但爲法則。如十迴向中大願及智慧。修令圓滿如彼。故無敷座等事。爲明法則。依地前舊法。不更別有。加行進修。以十地法門。但依十信十住中法則。以不動智爲體。以十住中十箇月佛。十行中十箇眼佛。十迴向中十箇妙佛。以爲十信中不動智佛上。

加行進修十地同此準知。不移初法。

○三宗趣

〔疏〕宗趣者。先總後別。總有二義。一以地智斷證寄位。修行爲宗。以顯圓融無礙行相爲趣。二前二皆宗。爲成佛果爲趣。後別者。別於上總。畧有十義。一約本。唯是果海不可說性。以離能所證故。雖通一

部。此品正明。二約所證。是離垢真如。三者約智。謂

根本後得。亦通方便。

〔鈔〕三約智中。亦通方便者。正唯二智。以後九方便。卽後得

故。初地方便。未是地故。如欲入二地。起於十地。是住初地後得智中。進修此十。所謂正直柔軟。堪能調伏。寂靜純善。不雜無顧戀。廣心大心。此十若滿。卽入二地。二地入三等。皆準此知。初地加行。若未



圓滿。正屬地前四加行位。今言亦通者。後九方便。望於本地。雖是後得。望起後地。爲方便故。初地加行。在十地會明。非廻向位。故屬初地。四約所斷。謂則此會中。亦有未入地行之方便也。離二障種現。五約所修。初地修願行。二地戒行。三禪行。四道品行。五四諦行。六緣生行。七菩提分行。八淨土行。九說法行。十受位行。六約修成有四行。謂初地信樂行。二戒行。三定行。四地已上皆慧行。於中四五六地是寄二乘慧。七地已去是菩薩慧。七約寄位行。十地各寄一度。八者約法有三德。謂證德。阿含德。及不住道。是十地之德故。九約寄乘法。謂初二三地。寄世間人天乘。四五六七寄出世

三乘八地已上。世出世間。是一乘法。故以諸乘爲  
此地法。九約寄乘者。謂初地明施。復顯人王。卽是  
人乘。二地十善生天。是欲天乘。三地八定  
是色無色乘。故以初三爲人天乘。四地初斷俱生  
身見。觀於道品。同須陀洹。五地四諦理終。寄阿羅  
漢六地觀緣。寄於緣覺。七地一切菩提分法。方便  
涉有。故寄三乘之中。大乘菩薩八地已上。旣是一  
乘。故不十者撮要爲六決定。宗辨此故。十撮要者  
云寄。本分當明。

於此十中。二三四八十。通於圓融行布。初一雙非。  
餘皆行布。多約寄法顯淺深故。若以圓融融彼行  
布。則無不圓融。故以別從總。皆十地宗。若別中之  
別。則地地別宗。別論其趣。不異總趣。問。何爲地前  
顯圓融德。地上行布。彰淺劣耶。答。顯一乘故。云何

顯耶。三乘之位。地前行布。地上圓融。今一乘位。地  
前地上。俱有行布圓融。若俱雙辨。則前後不異。若  
地前行布。地上圓融。則全同三乘。前淺後深。又似  
行布圓融。各別教行。不知法性教行。非卽非離。故  
於地前。但顯圓融。已過三乘。地上多明行布。以顯  
超勝。勝相云何。謂賢位始終。已圓融自在。登地已  
去。則甚深甚深。言所不至。若不寄位。何以顯深。不  
包三乘。何以顯廣。故虛空鳥迹。迹迹合空。大海十  
德。德德皆海。地地之中。具攝一切諸地功德。文文  
之內。皆云若以殊勝願力。復過於此。不可數知。故

剛藏俟五請而方說。世親以六相而圓融。意在於斯矣。又此一會文唯一品。闕於方便及勝進者。正表斯義。所以闕方便者。有二義故。一表證法無二。離方便故。二總攝三賢皆爲入地之方便故。闕進趣者。亦有二義。一十地如佛更無趣故。二以十定等品。卽此勝進故。若爾。何以別會說耶。含二義故。一開此勝進。成等覺故。二勝進趣佛。行深遠故。若別立方便勝進。卽不得包攝前後。顯地圓融。十地甚深。良在於此。地前乃我地之前。安得云深。異於地上。此解尤妙。學者應思。

○第四釋文一品分二。初長行散說。後偈頌總攝。偈中雖有第十地偈。以後有總攝之偈。前隔結通等文。故從文便科之。中間諸頌攝在當地。初長行中二。先正說十地。後爾時復以下。菩薩證成。前中亦二。先顯此界所說。後如此世界下。結通十方齊說。鈔然下用論。小異於古。謂論先具牒經文。後以論釋。遠公先委釋經。後復釋論。後人多取遠公釋論之文。不觀前文。釋經之處。故多缺畧。今皆對會二處釋文。為一異也。二昔人或釋經竟。後牒論釋。或復牒論而後釋論。今則經中易者。則直用論為疏釋之。或令義顯。加一兩字。若經文難。則先釋經。後引論釋。若論難者。先牒論文。後方疏釋。或先取論意以解經文。後引論證。為二異也。三晉經論經及今唐本。二經不同。賢首釋晉。遠公釋論。後人但

取以釋今經。若不善會。時有差失。前中大科總  
今同則不明。異則通會。爲三異也。有十分。一序分。起說由致故。二三昧分。顯證能  
說故。三加分。示說不虛故。四起分。定無言說故。  
五本分。起先畧陳故。六請分。聞名渴仰故。七說  
分。正爲廣陳故。上七依論次第。八影像分。別說  
難曉。以喻總明故。九利益分。爲說旣竟。顯勝勸  
修故。十偈頌分。散說難知故。若依十地。卽爲十  
段。初歡喜地。文有八分。七如前明。第八名爲校  
量勝分。文之分。齊至下明顯。今初序分。論經別  
行。具六成就。今攝在大部。故闕信聞。但有餘四。

謂一時。二主。三處。四眾。雖有四事。而論但云時處等。校量顯示勝故。此法勝故。在於初時。及勝處說。而不言主眾勝者。意明主眾餘經容有故。若以相從。主既十身。眾不可說。亦得名勝。故論有等言。四段分二。一時主處勝。二明眾勝。今初。爾時世尊。在他化自在天王宮摩尼寶藏殿。

**疏**爾時者。時勝。以是初時。得名爲勝。故論云。婆伽婆成道未久。第二七日故。論經別行。故標二七。今經攝在大部。但云爾時。卽是初會始成正覺時也。且依論明。若以初表勝。初七最初。何故不說。論云。

思惟行因緣行故。因者能說之智。緣者所化之機。欲將所得妙法以逗物機。故云思惟行行。故法華云。我所得智慧微妙最第一。思惟因也。衆生諸根鈍等。思惟緣也。論云。本爲利他成道。何故七日思惟不說。顯示自樂大法樂故。此問意云。在法身地。見機堪化。方應成佛。何用更思。今答意云。非是思而後知。自爲受法樂故。大法樂者。卽所得智慧寂靜樂也。論云。何故顯示法樂。爲令衆生於如來所。增長愛敬心故。復捨如是妙樂。悲愍衆生。爲說法故。何故唯行因緣行耶。顯示不共法故。謂窮智究



竟。照機無遺。除佛一人。無能及者。名不共法。又因緣。亦卽所證深理。唯佛窮故。二世尊者。主勝。義如前釋。三在他化下。處勝。論云。此處宮殿勝故。宮卽自在天宮。勝下五天故。殿卽摩尼寶藏。純寶所成。勝寶巖故。他化天宮。旣表地智。無心而成化事。摩尼寶殿。亦表慈覆無心。出用無盡。若以欲頂爲表勝者。色界尤勝。何不彼說。論云。此處感果故。謂機感在此故。又色界爲長壽天。難不能感果。能感勝果。必是欲界之身。故密嚴中。明此處十地菩薩常所游履。大乘同性經云。此處有報佛淨土。故於此

處說。若唯約機感。失所表義。

○二明衆勝。文分爲五。一揀定衆類。二歎其勝德。三依德列名。四結數難測。五金剛藏下。標說法王。今初。

與大菩薩衆俱。其諸菩薩。皆於阿耨多羅三藐三菩提不退轉。悉從他方世界來集。

疏文三。一揀大異小。同菩薩故。二其諸下。揀尊異卑。謂八地已上。念不退轉故。彌勒問經云。自分堅固名不退。勝進不壞名不轉。若準論經。又云。皆一生得無上菩提。則皆等覺。等覺亦通念不退故。又

仁王經。一生正得下寂滅忍。言不退者。不復退入無生忍故。顯文雖爾。本迹難量。多是諸佛之所化故。三悉從下。揀新異舊。他方集故。

〔論〕悉從他方世界來集者。以從十迴向法來成十地名爲他方。法界性中。無別他方。以未至位處名他方故。乃至諸位例然。

○二歎其勝德

住一切菩薩智所住境。入一切如來智所入處。勤行不息。

〔疏〕歎德中。有二十句。初二畧明。後二總結。中間廣

歎。今初畧中。初句自分行滿。謂權實無礙智。住真俗雙融境。境智一如無住任故。後句勝進行滿。證佛所證。則是如來。勤行不息。故名菩薩。

善能示現種種神通諸所作事。教化調伏一切衆生而不失時。爲成菩薩一切大願。於一切世一切劫一切刹。勤修諸行無暫懈怠。

〔疏〕二廣歎有十六句。分二。前十三句廣自分。後三廣勝進。前中亦二。初三明行修具足。一神用善巧。一二調化應時。三行願徧於時處。

具足菩薩福智助道。普益衆生而恒不匱到一切菩

薩智慧方便究竟彼岸。示入生死及以涅槃而不廢  
捨修菩薩行。善入一切菩薩禪定解脫三昧三摩鉢  
底神通明智。諸所施爲皆得自在。獲一切菩薩自在  
神力。於一念頃無所動作。悉能往詣一切如來道場  
衆會。爲衆上首請佛說法。護持諸佛正法之輪。以廣  
大心供養承事一切諸佛。常勤修習一切菩薩所行  
事業。

〔疏〕餘十句。德用圓備。四福智益而不竭。五權實智  
慧皆已究竟。六以無住道不捨修行。七內證定智  
通明。八外用施爲自在。九內獲自在幹能。十外能

一念周徧請法。十一護法。十二供養。十三二利勤修。

其身普現一切世間。其音普及十方世界。心智無礙。普見三世一切菩薩所有功德。悉已修行而得圓滿。於不可說劫說不能盡。

〔疏〕後三廣勝進。卽三業廣大及悉已下。結文。竝顯可知。

○三依德列名

其名曰。金剛藏菩薩。寶藏菩薩。蓮華藏菩薩。德藏菩薩。蓮華德藏菩薩。日藏菩薩。蘇利耶藏菩薩。無垢月

藏菩薩。於一切國土。普現莊嚴藏菩薩。毗盧遮那智  
藏菩薩。妙德藏菩薩。栴檀德藏菩薩。華德藏菩薩。俱  
蘇摩德藏菩薩。優鉢羅德藏菩薩。天德藏菩薩。福德  
藏菩薩。無礙清淨智德藏菩薩。功德藏菩薩。那羅延  
德藏菩薩。無垢藏菩薩。離垢藏菩薩。種種辯才莊嚴  
藏菩薩。大光明網藏菩薩。淨威德光明王藏菩薩。金  
莊嚴大功德光明王藏菩薩。一切相莊嚴淨德藏菩  
薩。金剛焰德相莊嚴藏菩薩。光明焰藏菩薩。星宿王  
光照藏菩薩。虛空無礙智藏菩薩。妙音無礙藏菩薩。  
陀羅尼功德持一切衆生願藏菩薩。海莊嚴藏菩薩。

須彌德藏菩薩。淨一切功德藏菩薩。如來藏菩薩。佛德藏菩薩。解脫月菩薩。

〔疏〕名中。前三十八同名藏者。表地法有含攝衆德。出生果用故。後一名解脫月者。卽請法上首。脫衆疑暗。使得清涼。如夜月故。又藏表根本智。包含出生月表後得。清涼益物。蘇利耶者。此云月也。俱蘇摩者。悅意也。卽是華名。餘之別名。可隨義釋。

○四結數

如是等。無數。無量。無邊。無等。不可數。不可稱。不可思。不可量。不可說。諸菩薩摩訶薩衆。



疏可知

○五標法主

金剛藏菩薩而爲上首。

疏論云。何故菩薩說此法門。爲令增長諸菩薩力。故謂彼同類而能爾故。菩薩衆多。何故唯金剛藏說。論答云。一切煩惱難壞。此法能破。善根堅實。猶如金剛。故不異名說。此釋金剛。謂表地智有堅利二義。如金剛故。能壞煩惱。卽是利義。第一序分竟。

○第二明三昧分

爾時金剛藏菩薩。承佛神力。入菩薩大智慧光明三

昧

〔疏〕爾時者。衆已集時。金剛藏菩薩者。標入定人。爲衆首故。承佛神力者。辨入所依。顯定深玄。唯佛窮究故。推功有在。無我慢故。菩薩大智慧光明三昧者。顯所入定名。三昧通稱。餘皆別名。智慧是體。光明就用。照二無我。證如名慧。照事名智。此二無礙。能破見惑及無明故。名曰光明。大有二義。一揀異凡小。二能斷大惑。能證大理。成大果故。彰非果定。故云菩薩。卽照之寂。故云三昧。智與理冥。故稱爲入。所以入者。意畧有六論。但有二。一謂表深論云。

顯示此法。非思量境界故。二卽以此義。顯非證不說故。餘四。如十住品。鈔言餘四如十住者。三是法體故。四觀機審法故。五上受佛加故。六下爲物軌故。

〔論〕菩薩大智慧光明。卽是如來眷間所放十地智慧中道之光明。名菩薩力燄明。亦是初會中如來放眷間光。名一切菩薩力智光明。總是十地道終。佛智慧光明。今入三昧。還是此之智慧三昧。說十地道之智慧。名菩薩大智慧光明。以根本智。成菩薩大悲行故。

第二二三昧分竟

○第三加分有六。一辨加所因。二能加佛現。三讚其得定。四雙辨加定因緣。五辨加所爲。六別顯加相。今初

入是三昧已

〔疏〕入是三昧已者。若未入定。佛不加故。故下論云。所以偏加金剛藏者。得此三昧故。十住會云。以三昧力故。

○二能加佛現

卽時十方。各過十億佛刹微塵數世界外。各有十億佛刹微塵數諸佛。同名金剛藏而現其前。

〔疏〕佛現中有五。一佛現時。謂正入定時。二十方下。來處遠近。三各有下。能加佛數。四同名金剛藏。顯名同所加。五而現其前。現身生信。上二三中。意明多數。勝前位故。若爾。何以不言無量世界。而云十億刹塵界耶。論云。方便顯多佛故。謂無量雖多。其言猶漫。人不謂多。今假以刹塵。一塵一刹。一刹一佛。便謂細而叵測。若爾。但趣舉刹塵。卽已顯多。何要定言十億。有二意故。一爲說十地故。二此經如是。多說十數。顯無盡故。卽由此義。不云無量。無量不得顯無盡故。何要顯此多佛加耶。論云。顯於法

及法師。增長恭敬心故。又表諸佛皆同說故。何要同名加。論有二意。一云。本願力故。論意云。諸佛因中得定。名金剛藏。遂發願言。我成佛時。亦同其名。所以同者。爲顯菩薩所得法體。同於多佛。明人異道同故。論意正爾。若以義取。亦通遮那本願。以佛因中得定說法。能加所加同名。法爾亦發斯願。以顯道同故。下經云。亦是毘盧遮那如來本願力故。第二意論云。又是菩薩聞諸如來同已名已。增勇悅故。前就法理。此就化儀。

○第三同讚得定

作如是言。善哉善哉。金剛藏。乃能入是菩薩大智慧  
光明三昧。

〔疏〕同讚得定。顯有加因。

○第四雙辨加定因緣。

善男子。此是十方各十億佛刹微塵數諸佛共加於  
汝。以毗盧遮那如來應正等覺本願力故。威神力故。  
亦是汝勝智力故。

〔疏〕有四因緣。一伴佛同加故。二主佛本願故。三主  
佛現威故。四定者智力故。

○第五明加所爲。論云。何故加。然直就經文。則應

分二。初總明。後所謂下。別顯論無所謂二字。故取別中入智地句。入初總句。總別合明。但有二十。前十依自利行。後十依利他行。義雖兼通。從多分判。欲顯二利差別相故。今依論釋初十句。欲令汝爲一切菩薩說不思議諸佛法光明故。所謂令人入智地故。攝一切善根故。善簡擇一切佛法故。廣知諸法故。善能說法故。無分別智清淨故。一切世法不染故。出世善根清淨故。得不思議智境界故。一切智人智境界故。

疏初十句中。論以二門解釋。一直釋經文。一會通



本末。初門先釋總句。彼經云。又一切菩薩不可思議諸佛法。明說。今入智慧地。故。既將別句入總。卽經論開合不同。論經云。明。卽今經光明。但廣畧有異。彼云。明說。此云。說不思議。彼未廻文。卽經論方言有異。既知二經同異。次正釋文。初欲令汝爲者。標舉章門。總顯加意。意爲何事。爲一切菩薩說等。此中三義。一一切菩薩是所被機。二不思議諸佛法。光明是所說法。三令入智地。是說之益。被何等機。論云。是中一切菩薩者。謂住信行地。此通二類。一謂地前未證真如。但依信心而起行。故無著論。

中亦同此名。二通地上。如初地加行位中。名信行地。卽地地加行。皆名信行。以攝論中。意言無分別觀。通於四位。故知地上。亦有信行。下釋所入智地。及別入中。皆通十地。明知所被。不唯地前。况下請分中論云。未入地者。令得淨心。已入地者。令得十力。必通被也。一中說何法被。此有二種。一所證法論云。不可思議諸佛法者。是出世間道品。此明十地法。體是無漏。故名出世間。生佛果。故名道。十位行法。類別名品。旣是佛因。是佛所證。故云佛法。心言路絕。名不思議。二說能證。論云。光顯者。見智得。

證。此謂後得。觀事差別名見。根本。觀理一相名智。見達於事名得。智契於理名證。直語智體。故言見智。以智合境。故言得證。地法雖多。不出此二。見智雖廣。此釋正宜。三中說此何益。今入智地。論云。入者。信樂得證。此中信樂。卽所被機得證。卽上二智契合。入何法耶。所謂智地。論云。智慧地者。謂十地智。如本分中說。卽上不思議佛法也。上說能所證者。意令菩薩以能證智。入佛所證法。是此總意。已說總句入地之相。次下九句。依本開末。顯入差別。論云。此修多羅中。依根本入。有九種入。此九種入。

寄於四位。初四願樂位。次一見位。次三修位。後一究竟位。近地方便。亦屬地故。地後勝進。趣究竟故。皆十地攝。言九入者。一者攝入。謂聞慧中。攝一切善根故。二者思義入。思慧於一切道品中。智方便故。智方便者。卽善揀擇道品。卽是佛法。三法相入。彼彼義中。無量種種知故。彼彼卽是諸法。種種知卽廣知。此卽所思法成。四教化入。隨所思義。名宇具足。故能善說。此知修慧。修通二利。菩薩利他。卽是自成佛法。故入自利中收。五證入。於一切法中。平等智見道時中。善清淨故。言平等者。卽無分別。

無分別智。正證真如。離二取相。故云平等。二我分  
 別。隨眠不生。名善清淨。最初照理。立見道名。六不  
 放逸。入於修道時中。遠離一切煩惱障故。故世法  
 不染。七地地轉入。出世間道品。無貪等善根淨故。  
 此明修道位中。離障證理。智行轉進。於地地中雙  
 斷二愚。是無漏善。能淨所知。以此無漏淨三善根。  
 名淨煩惱。論復云。復有善根。能為出世間道品因。  
 此明諸地中。加行善根淨也。鈔言於地地中雙斷  
一各成二。故有二十愚。若兼等覺。有二十二愚。今  
約十地。故說二十。下說分中。亦皆別說。今當畧示。  
初地斷二愚者。一執著我法愚。是惑。二惡趣雜染  
愚。是業。一地二者。一微細悞犯愚。二種種業趣愚。

三地。一者。一欲貪愚。二圓滿聞持陀羅尼愚。四地。二者。一。等至愛愚。二法愛愚。五地。二者。一純作意。背生處愚。二純作意向涅槃愚。六地。二者。一現觀。察行流轉愚。二相多現行愚。七地。二者。一細相現。行愚。二純作意求無相愚。八地。二者。一於無相作。加行愚。二於相自在愚。九地。二者。一於無量所說。法無量名。句字。後後慧辨陀羅尼自在愚。二辨才。自在愚。十地。二者。一大神通愚。二悟入微細秘密。愚。至說分中。地地之初。各辨其相。然準唯識。此後。更有二愚障於佛地。謂一於一切所知境極微細。著愚。即是此中第二智障。二極微細。八菩薩盡入。礙愚。即是此中一切任運煩惱障種。八菩薩盡入。於第十地中。入一切如來秘密智故。卽下大盡分。中。入如來十種秘密之智是也。如來秘密。下地不。測。名不思議。若入彼所入。是智之境。入彼能入。卽。智是境。得卽是入。故歎淨名云。諸佛秘藏。無不得。

入九佛盡入於一切智入智故。上一切智釋一切智人。下智字。卽智境界。入卽得也。上直釋竟。自下論文。融會本末。初會末歸本。謂上九種入。爲欲按量地智差別轉勝之相。非根本入。有此行布。後明本末無礙。欲顯前從本起末。則無別之別。次攝末歸本。別而無別。故以六相融而無礙。論云。一切所說十句中。皆有六種差別相門者。此標舉顯通。故云。一切皆有。此言說解釋。應知除事者。此顯立意。謂此六相。爲顯緣起圓融之法。勿以陰界入等事相執取。

此言說解釋下。彰其立意。先舉論。此顯下。疏釋。卽賢首意。爲顯一乘圓教法界緣起。

無盡圓融。自在相卽。無礙容持。乃至因陀羅網。無窮理事等。此義現前。一斷一切斷。一證一切證。乃至卽具普賢圓因。十佛境界故。此言說者。約教道解釋。故後勿以下。釋除事之言論中。但云。謂陰界入等。今疏加。執取之言。以釋論意。意不言六相者。令人隨事。執取。非陰界體。不具六相。

謂總相。別相。同相。異相。成相。壞相。

一總相者。一舍者。多德非一故。三同相者。多義不相違。故四異相者。多義不相似。故五成相者。由此諸義緣起。成故。六壞相者。諸緣各住。自性不移動。故。亦如梁等。共成一舍。總則一舍。別則諸緣。同則互不相違。異則諸緣各別。成則諸緣。辦果。壞卽各任自法。餘一切十句。皆應隨義類知。別章廣顯。

別章廣顯者。卽賢首教義分齊。彼唯料揀前之二門。上已具竟。今但明問答。寄就一舍之上。辨其六相。例法可知。問。何等是總相。答。舍是。



總相問此但椽等何者是舍答椽等即是舍獨能  
作舍故離卽不成若爾未有一瓦等對何說椽若諸緣未  
有瓦等不是椽故以無瓦等對何說椽若諸緣未  
出少力共作不全作者有斷常過但諸少力不成  
一全舍故舍則斷也不成執有是無因常今去一  
椽卽非全舍明椽全成椽卽舍也由此全成便令  
此椽卽枕瓦等以去於椽卽舍方便壞則瓦椽等亦  
皆壞故故此諸緣皆卽是椽舍方善成一緣既爾  
餘緣亦然故緣起法不成則已成則圓融第二別  
相者椽等諸緣別於總故若不別者總義不成由  
無別時則無總故是故卽以總爲別也問若總卽  
別應不成總答由卽別故得成總如椽卽舍故  
名總相舍卽是椽故名別相若別卽舍不是椽  
故若舍不卽椽不是舍故若不相卽總在別外卽  
非總也別在總外卽非別也問若不別者復有何  
過答有斷常過謂若無別卽無椽等舍不成故無  
而執有無因常故下之四相各有斷常可以意得  
第三同相者椽等諸緣和合作舍不相違故皆名  
舍緣非作餘物故若不同者諸緣相背則不同作  
舍則不成與總何別答總相唯望一舍同則衆緣

互望。成力義齊。第四異相者。椽等諸緣。隨自形類。相差別故。問異應不同答。由相各異。長短等殊。方爲舍緣。同力成舍。此與別何異。別相諸緣。別於一舍。異則諸緣。自互相望。第五成相者。由此諸緣。舍義得成。故由成舍。故椽等名緣。不爾。二俱不成。問現見諸緣。各住自性。何因得成。答。由不作舍。舍方得成。以若作舍。失本緣故。舍不得成。今由不作。諸緣現在。故舍得成。又若不作舍。椽不名緣。今旣名緣。明知作舍。第六壞相者。椽等諸緣。各住自法。本不作故。若作舍者。卽失本法。舍則不成。由不作故。舍得成也。又總卽一舍。別卽諸緣。同則互不相違。異則諸緣各別。成則諸緣辨果。壞則各住自法。乃爲頌曰。一則是多。爲總相。多則非一。是別相。多類自同。成於異。各體別異。顯於同。一多緣起。理妙成。壞住自法。恆不作。唯知境界。非事識。以此方便。會一乘。六相之義。畧已終矣。

○第二十句依利他行

又令得菩薩十地始終故。如實說菩薩十地差別相

故緣念一切佛法故。修習分別無漏法故。善選擇觀  
察大智光明巧莊嚴故。善入決定智門故。隨所住處  
次第顯說無所畏故。得無礙辯才光明故。住大辯才  
地善決定故。憶念菩薩心不忘失故。成熟一切衆生  
界故。能徧至一切處。決定開悟故。

〔疏〕是增數十。經有十二句。論經合七八二句。故唯

十一。鈔言增數十者。依大智度論。數法有二。一小。

增。名寬名大。七八等名少減。十一二等名爲。數寬少

少增。今據大數。名增數十。以十二爲十故。初句

爲總。餘十爲別。總中始者。內起信欲。外近善友聽  
聞終者。憶念任持。所聞地法。地地皆爾。故云十地

始終。此約教行。復有阿含爲始。以證爲終。則前皆是教。阿含者。梵言此云淨教。既唯以證爲終。而行則前皆非是證。故前教始行終。並名爲始。故疏結云。是教。又依根本始終。有十始終。有十始終下。前

三。地前思修利物。次一見道。餘六修道。一攝始終。經云。如實說菩薩十地差別相。故謂以思慧智攝持所聞。稱思宣說。故云如實。二欲始終。緣念佛法。意欲令物證。故此卽思慧上品求心。論云。欲言上品求心者。有二義故。一令物證。二唯緣佛法故。三行始終。以是修慧。故名修習。言分別無漏法者。於地上無漏道品。起意言分別觀行故。以未證故。但是觀分之時。帶相觀心。未覺

無相。故云分別。四證始終。卽見道位。大智者。卽真見道。根本法無我智。過小乘故名大。治無明故云光明。此智親證真如。平等平等。離二取相。名善觀察。實斷二障。分別隨眠。名善選擇。巧莊嚴者。卽相見道。是後得智。故論名方便。方便卽巧。法真見道。種種建立。名爲莊嚴。又莊嚴者。卽二智成德。由得此二善達法界。於多百門。已得自在。故云莊嚴。五修道始終。論云。出世間智。智力得入法義故者。以後得了俗。由於證真。名出世間智。由證真達俗。故名善入。智能入法。卽名爲門。上寄從二地至七

地竟。次下五句。有五始終。寄入八地。至於佛地。治菩薩於菩提五障。五障在於七地。至於等覺。經文但有能治。障在文外。今初二句。卽能欲邪論障始終。不能破邪論障。卽是所治。隨所任處者。卽邪論心任著之處。言次第顯說者。以宗因喻現比教量。顯已正義。隨病治之。上皆論所據。言無所畏者。卽論莊嚴。後句辯才。卽是論體。亦論莊嚴。謂語具圓滿。順言敦肅。故名辯才。又上皆論多所作法。所作有三。一善自他宗。二勇猛無畏。三辯才不竭。配文可知。言光明者。性不闇故。卽論出離。謂善觀察得。

失等故。由具上諸義。故不墮負。由破此障。得入八  
地。頌云。論體論處。所論據論莊。嚴論負論出離。論多所作法。一能善答難始終。  
上明能破。此顯能立。第九善慧是辯才地。在卽證  
也。言上明能破。此顯能立者。總釋也。因明論云。能  
立與能破。及似唯悟他。現量與比量。及似唯自  
悟。此之一偈。總有八義。一真能立。二似能立。三真  
能破。四似能破。五真現量。六似現量。七真比量。八  
似此量。今此辨於利他。故但明能立能破。三樂著  
而菩薩離過。但有真能立破。無似能立破。小乘對治始終。不忘菩提。上求下化故。四化衆生  
懈怠對治始終。成就不疲故。五無方便對治始終。  
善達五明。爲一切處開悟。故能巧化。又上五障。一  
不能破邪。二雖能破而不能立。三雖能破立。情樂

小乘四雖不樂小乘。而不勤化他。五雖化不疲。而無化方便。治於此五。行化畧周。

○第六正顯加相論云。已說何故加。復云何加。加相有三。謂口。意。身。約別相說。口加以益辨。意加以與智。身加以增威。如實說者。能加則局。所加皆通。乘前語便。故先口加。得智堪說。事須起定。使身觸令覺。故爲此次。此就十方佛辨。若約舍那。先意令得定。當有所說。次身光照觸增威。後雲臺說偈令演。亦義次第。非有優劣。今初口加。

鈔言約別說者。謂以身加身。以口加口等。如實說者。謂能加隨舉一業。卽所加三業故。



善男子。汝當辯說此法門差別善巧法。所謂承佛神力。如來智明所加故。淨自善根故。普淨法界故。普攝衆生故。深入法身智身故。受一切佛灌頂故。得一切世間最高大身故。超一切世間道故。清淨出世善根故。滿足一切智智故。

疏口加中有十一句。初總餘別。總中令以樂說辨說十地法門名相差別。不違事理善巧成故。故云汝當辯說等。所謂下十句別中。依根本辯才有二種辯才。一他力辯。卽是初句。謂承佛力。承何力耶。如來智明故。二自力辯。卽後九句。自他因緣。方有

說故。一淨自善根者。有作善法淨。即是教行。亦約  
 相故名爲有作。鈔釋此一淨。文有四節。初句牒經。二有作善法淨。依論立名。三即是  
教行。出其行體。四亦約相故名爲有作。依體釋  
名。謂由約相約教。故有修作。修作即是教行。二  
 普淨法界者。無作法淨。此約證行。亦約體故。名爲  
 無作。依此性相而有說故。上二皆自利。釋此一淨。文有五段。  
一牒經。二無作法淨。依論立名。三此約證行。出其  
行體。四亦約體故名爲無作。依體釋名。由約體故  
無有修作。但出妄染。故稱爲淨。如拂雲霧。顯出晴  
空。故此但約顯體名淨。不同前門對治名淨。五依  
此性相下。雙結上二。先結二淨。性即體證。相即相  
教。後上二皆自利者。結上自利。生下第三利他。故  
 也。三普攝衆生者。教化衆生淨。即是利他。餘六句  
 經。皆名身淨。攝爲三種盡。皆顯二利。滿故成德。成

德有二義。一當位顯益。有菩薩盡。二寄對辨勝。有  
 後二盡。初菩薩盡者。因位窮終故。攝經三句。初句  
 位滿。謂十地勝進。破和合識。顯現法身。非心意識  
 之所能得。唯如智所依。成於智身。菩薩照寂。故云  
 淡入。後二句成益。一成現報益。得佛灌頂。受佛位  
 故。後二句等者。此句總標。一成現報。纔證十地。得  
 離垢三昧。末後有一三昧。名受一切智勝職。此  
 三昧現前時。有大寶蓮花。忽然出現。身坐其上。十  
 方諸佛。現身灌頂。名爲受位。故是現報。廣如第十  
 地說。然汎明受位。畧有三種。一唯就相。如彌勒等。  
 示居長子。已窮聖位。授記當來。次補佛處。二就相  
 顯實。如迴向所引。名爲得位。三唯就實。十地行滿。  
 衆累永寂。法身之相。顯自心源。雖有三義。今取第  
 二。故云。二成後報益。十地攝報。生大自在。云高大  
 現報。

身。高大。二義。一。色形中極。量最大。故居有頂。故。二。約三乘。此成報身。位極普周。故云高大。論云。摩醯首羅智處生故者。智處亦二義。一。摩醯首羅。智自在。故。二。攝報智滿。成種智。故。論云。已下。引論釋。從二義。亦順上。高大。二義。一。卽就攝報之身。智便自在。故。賢首品云。摩醯首羅。智自在。大海龍王降雨時。悉能分別。數其滴。於一念中。皆辨了。卽其文也。然此天。何以爲智處耶。以下。天定。少。四空定。多以四禪中。定。慧。均等。色界中。極。故。文約。二乘之人。多無漏之智。熏習禪定。故。二。攝報智者。此有二意。一。約未成佛。但是十地。攝報居彼。智度已圓。故云。攝報智滿。二。就彼天上。得成菩提。具足種智。名爲智處。然論成佛。通說有。二。一。寄化顯實。在閻浮提。卽周法界。二。寄報顯實。在色究竟成。便徧法界。二。就實顯實。妙出三世。不可定。二。寄對顯勝中。一對下其時處。身相。今就中義。

彰出有二乘不同盡攝經二句。一超一切世間道者。度五道故。道卽因義。二清淨出世善根者。論云。復涅槃道淨故。以二乘雖度五道有三餘故。不淨涅槃。今無三餘。故云復淨也。由具此二故。不同二乘。言三餘者。一無明。任地惑。爲煩惱餘。二無漏。有分別。對業爲業餘。三變易生。成爲苦餘。問此句不同。二乘義則可爾。上句度於五道。則不同。凡夫何名不同。二乘有人答云。但約超勝。畧無凡夫。此義不然。今謂凡夫此不足論。今明正度五道。有溫小乘。故淨涅槃。顯不同彼。故合二句。方成此盡。又二句皆濫。二乘。今皆不同。由淨善根。故不任涅槃。由度五道。故不任生。成。合二無住。故不同。二乘。度於五道。入後一望上顯同名爲佛盡等覺菩薩同涅槃矣。

後一望上顯同名爲佛盡等覺菩薩同滿種智故。後一望上下。明第三盡。此句顯意標名。言滿種智者。釋一切智智字。此有二意。

一上。一切智。是根本智。重言智者。是後得智。此二無礙。名一切種智。二依論經意。上一切智是佛。下智字。是佛智慧。故論云。得一切智人。智滿足。故二義皆是智。

○第二意加中。二初正顯。後徵釋偏加。所以今初。爾時十方諸佛。與金剛藏菩薩。無能映奪身。與無礙樂說辯。與善分別清淨智。與善憶念不忘力。與善決定明了慧。與至一切處開悟智。與成道自在力。與如來無所畏。與一切智人觀察分別諸法門辯才智。與一切如來上妙身語意具足莊嚴。

疏前中十句。初總。餘別。總中身有二種。一與無上勝威德身。如王處眾。無能映奪。二與辯才無能映

奪身。前色身勝。後名身勝。鈔第二意加者。當時如來。但意地冥被。與其智力。都無言說。皆集經者言。總中者。論經總句云。與金剛藏菩薩。眞實無畏身。無畏。卽無能勝義。上力被下。故名爲與。雖已之智。卽不可他用。約爲緣助。故得言與。如鬼入身。尙增智辯。况於如來。問此與爲暫爲永。答有三義。一就實相。金剛藏上契佛心。佛力下被。相應爲與。此與則常。二就化體。旣金剛藏化周法界。無時不說。隨說卽與。無有暫廢。亦得名永。三就化相。有說不說。說時卽與。此則非永。然此總句。亦總亦別。總謂總攝十句。爲無能勝身故。別謂此句。卽當色身。後九句別唯屬名故。二名已去。卽得名身。後與無礙下別。別開名身。成九種身。身者聚義。後與無礙下別。別開名身。成九種身。所加通三。故增其色身。在心名智。在口稱辯。經云與智。論判爲名。二文影畧。顯義方備。一與不著辯才。說法不斷。無滯礙故。謂無偏住著故。不滯事理。

云無礙樂說。二與堪辯。分別法相。能正說故。名爲清淨。三卽任放辯才。說不待次。言辭不斷。處處隨意。不忘名義。故云善憶念不忘力。謂隨門異說。不忘本宗故。四能說辯。隨所應度。種種譬喻。能斷疑故。謂應機斷疑。故名決定。能隨所應。是謂明了。五不雜辯。三種同智常現前故。三同智者。卽自相。同相。及不二相。自相者。色心等殊故。同相者。同無常苦無我故。不二相者。卽一實理。又自相卽俗諦。同相卽真諦。不二卽中道第一義諦。金剛仙等諸論。皆明此三。無法不爾。故云徧至一切。菩薩所了。故



云開悟。六教出辯。以十力智。自在化物。斷惑得果。故云自在成道。爲令衆生斷惑出離。故名教出。七不畏辯。於他言說。不怯弱。故八無量辯。於一切智隨順宣說。修多羅等法。六種正見。故六正見者。卽是法門。金剛仙論云。一。眞實智正見。能知理法。二。行正見。能知行法。此二教旨。三。教正見。能知教法。四。離二邊正見。知前理法。不同情取。五。不思議正見。知前行法。成德出情。六。根欲性正見。知前教法。說隨物心。瑜伽六十四名。六種理門。大旨無異。九同化辯。一切如來。同以三輪化。故三業殊勝。故曰莊嚴。上十已辨。

他力

○第二釋偏加所以

何以故。得此三昧。法如是。故本願所起。故善淨深心。故善淨智輪。故善積集助道。故善修治所作。故念其無量法器。故知其清淨信解。故得無錯謬總持。故法界智印善印。故

〔疏〕以顯自力堪加。偏就意業釋者。意爲本故。初徵意云。諸佛慈力。若隨闕者。可許偏加。既有力能與。有慈能普。何以上十。偏加剛藏。而不加餘。下釋十句。初總餘別。總明得此三昧。法合偏加。剛藏得此。

餘不得故。何以得此三昧。下別顯中有二因故。一  
 本願所致故。卽初句顯示。二善淨下。三昧身攝功  
 德故。鈔何以得此者。疏微得三昧之由。上總句中。由得三昧。故得偏加。今微意云。三昧殊勝。何以能得。下別顯下。答有二因。一宿願深重。謂因中發願。欲證十地智光三昧。故今得之。二是現緣。卽三昧身攝功德也。現身無德。雖有宿願。亦不能入。然諸菩薩。皆具此德。隨門顯法。在金剛藏。故偏言有。又標佛力。能加草木。何要有德。欲令菩薩進修具德。上契佛心。方得加故。表此地法。證方說故。  
 此復八種淨。依自利利他故。謂前四自利。後四利  
 他。一善淨。淡心是因淨。信樂至極。能趣菩薩地盡。  
 皆清淨故。故云善淨。此一爲衆行本。故名爲因。次  
 三。明自利行德。謂二卽智淨。趣菩薩地盡。修道真

如觀。如日輪圓滿。普照法界故。此卽智德。三身轉  
淨。謂生生轉勝。集助道福德故。四心調伏淨。善斷  
煩惱習。故云修治。此卽斷德。後四利他中。五聞攝  
淨。能聞持佛法。故爲法器。此利他方便。餘三利他  
行體。卽身語意。謂六者通淨。以勝神通。生物信解  
故。七辯才淨。由總持力。於一字中。攝一切字句。前  
後無違。故無錯謬。八離慢淨。謂雖化衆生。以實智  
印印之。不違法界。故無化慢。

○第三身加

爾時十方諸佛。各申右手。摩金剛藏菩薩頂。

疏身加增威令起故。言各申者。不離本處而申。卽延促無礙。諸佛皆摩。故云各申。卽一多無礙。第三加分竟。

○第四起分

摩頂已。金剛藏菩薩從三昧起。

疏所以起者。三昧事訖故。云何訖。已得勝力故。雖已得力。何不且定。說時至故。何不定中說。定無言說故。

○第五本分。畧示綱要。爲廣本故。亦與下請爲其本故。不請而說者。不自說本。衆則不知爲說不

說。又復不知欲說何法故。文分爲三。初明六決定以爲地體。次佛子何等下。標列十名。以顯地相。三佛子我不見下。舉十方同說。彰地要勝。今初。

普告一切菩薩衆言。諸佛子。諸菩薩願善決定。無雜不可見。廣大如法界。究竟如虛空。盡未來際。徧一切佛刹。救護一切衆生。爲一切諸佛所護。入過去未來現在諸佛智地。

〔疏〕地體已如前辨。文中初句標告。諸佛子下正顯。於中初句總明。後無雜下別顯。總中言菩薩願善。

決定者。標人列法。故云菩薩於大菩提。立誓趣求。故名爲願。卽下初地中發菩提心也。此願所以名善決定者。以真實智攝故。謂攝導此願。皆令順理。決擇指定故。眞智卽善。善卽決定。持業受名。故論云。善決定者。卽是善決定。此揀依他受名也。此已入初地。是證決定。非是地前信地所攝之願。受決定名。若通論決定。有其六義。一約行體。決定堅固。二望所證。決定須證。三定能斷惑。四決信不疑。五決能度生。六決成佛果。後別中。此善決定有六種。卽經六句。一無雜者。卽觀相善決定。眞如觀一味。

相故。謂正體緣如。境智一味。爲觀之相。則無帶相之雜。鈔真如下。卽論釋也。二不可見者。是真實善決定。非一切世間境界。出世間故。謂此真智。超出世間可壞之法。故名真實。真實故。非世智所見。三廣大如法界者。勝善決定。論總釋云。大法界故。一切諸佛根本故。此中上句出所如法界。亦釋大義。下句顯能如地智。亦釋廣義。法界所以名界者。一是因義。迷悟根故。二是性義。法本性故。今能如地智爲佛根本。故得如之。况體合如。無所如矣。四究竟如虛空。盡未來際。是因善決定。此有二種。一成無常愛果。



因。是因如虛空。依是生諸色。色不盡故。二常果因。得涅槃道故。故經云。盡未來際。有釋云。一爲生因。生菩提有爲果故。二爲了因。了涅槃無爲果故。此順法相。不順經宗。以經宗常與無常。非一異故。今更直釋。論文明此地智。有其二能。一寂而常用故。爲無常因。用雖虧盈。而智無起滅。如所依空。非無常故。經明此智。究竟如空。二用而常寂故。爲常果因。雖涅槃永寂。而智體不無。不爾。將何窮未來際。若會三身者。用爲化身。寂爲法身。智爲報身。非無常矣。設智爲了因。亦雙了菩提涅槃。故論云。涅槃

道。道亦菩提故。五徧一切佛刹救護一切衆生者。  
 大善決定。隨順作利益他行故。卽普覆名大。六爲  
 一切下。是不怯弱善。上入智地。不怯弱故。論經闕  
 於一切諸佛所護一句。但云入智地不怯。若準此  
 經。由佛護故入智無怯。言佛護者。智造佛境。佛智  
 照故。故佛所護。與入智地。反覆相成。論下六相圓  
 融。類前可見。論下六相圓融者。論云。善決定者。總  
 種同名善決定。故異相者。別相故。一觀相。二眞實。  
 三勝。四因。五大。六不怯弱。相別不同。故不同。前別  
 分一總句。爲六決定。以爲別相。成相者。畧說故。壞  
 相者。一一廣說故。如世界成壞。前文已有。故云類  
 見前可。

○第二地相

佛子。何等爲菩薩摩訶薩智地。佛子。菩薩摩訶薩智地有十種。過去未來現在諸佛。已說。當說。今說。我亦如是說。何等爲十。一者歡喜地。二者離垢地。三者發光地。四者燄慧地。五者難勝地。六者現前地。七者遠行地。八者不動地。九者善慧地。十者法雲地。佛子。此菩薩十地。三世諸佛。已說。當說。今說。

〔疏〕文四。一寄問徵起。二佛子下。舉數顯同。三何等下。徵數列名。四佛子此菩薩下。結名顯勝。初一可知。二中以生成住持故。三世同說。同說之言。文在

地相。義兼地體。鈔二中以生成任持故者。出同說。為生。終滿為成。亦可生為因。成為緣。因有二種。一證。二教。果亦有二。一是性淨。二方便淨。望性淨果。證道為因。教道為緣。望方便淨果。教道為因。證道為緣。因果功德。皆因地智而住。地智能持。有斯勝能。故三世同說。同說之。三列名中。為對治十障。證言者。地體最為要勝故。

十真如。成十勝行。說於十地。及引諸論。竝如下廣釋中辨。論問云。何故定說菩薩十地。對治十障。故鈍障。四解法慢障。五身淨慢障。六微細煩惱習障。七細相習障。八於無相有加行障。九不能善利益。衆生障。十於諸法中不今依本論。畧釋地名。論云。得自在障。義如下說。

成就無上自利他行。初證聖處。多生歡喜。故名歡喜地。此有二義。一。二利創成故。二。聖位新得故。

遂本期心。故生歡喜。二離能起誤心。犯戒煩惱垢等。清淨戒具足。故名離垢地。此有三義。一卽因離。謂離能起誤犯煩惱。二果行離。謂離犯戒惡業。故云等也。三對治離。謂清淨戒具足。三隨聞思修等。照法顯現。故名明地。此唯一義。謂三慧照當地所聞之法。然唯識此經。皆名發光。謂成就勝定大法。總持。能發無邊妙慧光。故此則三義。一定爲能發。二持爲能持。三後地慧光爲所發所持。然三慧就初。發光約後。故受名不同。四不忘煩惱薪。智火能燒。故名燄地。燄卽慧燄。故此名燄慧地。五得出世。

間智方便善巧。能度難度。故名難勝。此唯一義。謂  
眞俗無違。極難勝故。以三地同世。未能得出。四地  
雖出而不能隨。多滯二邊。難以越度。今得出世。又  
能隨俗。巧達五明。眞俗無違。能度偏滯。實爲難勝。  
此初得故。偏受其名。六般若波羅密行。有間大智  
現前。故名現前地。謂妙達緣生。引無分別。名般若  
行。親如目覩。名曰現前。對後彰劣。名爲有間。以第  
七地常在觀故。七善修無相行。功用究竟。能過世  
間。二乘出世間道。故名遠行。此或三義。一善修無  
相。到無相邊。故名遠行。二功用至極。故名遠行。三

望前超過。故名遠行。合唯一義。善修無相行。釋行字。功用下。皆釋遠字。八報行純熟。無相無間。故名不動地。此亦三義。一捨三界行。生受變易果。故云報行。依此起行。任運而成。故功用不動。二得無生。忍無相妙慧。則有相不動。三此二無間。煩惱不動。合唯一義。謂前地無相。已得無間。相及煩惱。亦不能動。而爲功用所動。無不動名。今由無功用故。令無相觀。任運無間故。三不能動。下輪王梵王之喻。可以證此。下輪王喻者。七地菩薩煩惱及相。已不動故。而非報行不動。梵王捨欲。生於梵天。卽功用不動。九得無礙力。說法成就。利他行故。名善慧。

地得無礙慧。尙未稱善。徧說徧益。方名爲善。十得  
大法身。具足自在。故名法雲。此有二義。一得大法  
身。語法雲體。具足自在。釋法雲義。謂能雲雨說法。  
自在用故。此約能說爲名。二得大法身。此明法義。  
是大法器故。具足自在。此釋雲義。能受如來雲雨  
說故。下釋名分。自當廣釋。此十得名。畧有四對。一  
約法喻。欲慧法雲。法喻合目。餘皆就法。二約體用。  
歡喜善慧。約體爲名。餘皆就用。三約自他。離垢不  
動。就他受稱。餘皆自義立名。四約當位相形。難勝  
遠行。形他受稱。餘皆當位受名。此十圓融。地地皆



具若約行布。則前前之名。應該後後。後後之稱。不該前前。如歡喜之名。義該十地。法雲之稱。不預前九。今爲顯別相。各從初得受名。下文重顯。四結名顯勝。可知。

○第三彰地要勝

佛子。我不見有諸佛國土。其中如來不說此十地者。何以故。此是菩薩摩訶薩。向菩提最上道。亦是清淨法光明門。所謂分別演說菩薩諸地。佛子。此處不可思議。所謂諸菩薩隨證智。

〔疏〕彰地要勝者。爲欲令物生渴仰故。文中二初明

不見不說。反顯十方報化皆說。二徵釋所由。徵云。佛國不同。化儀亦異。如何十地要皆說耶。釋意云。此最勝故。謂萬法皆如。體如成聖。離斯證智。皆是隨宜。故爲要勝。文有四句。初二句總標顯勝。初句證行。謂諸佛證此爲因。成菩提故。餘皆助道。故此最上最勝。次句阿含。法門者。名爲法體。光明者。顯照一切餘法門故。後二句別顯其相。初句釋前阿含。云分別說。卽明前法光明是教體用。此句是教所照法門。故論云。分別十地事者。顯示世間智所知法故。後句顯上證道。非地前世智所知。名不可

思議。故論云。顯示出世間智故。說證將默。故呼佛  
子。第五已說本分竟。

福全庵比丘尼海金海印傳意等珍一  
端海晏戒瀛戒慈寂慈等果照源心珠  
戒輝照護信女張傳真林賢姐虞蘭使  
同刻  
華嚴經十地品疏論纂要第六十卷伏  
願衆等三障肅清五福咸備修普賢之  
妙行圓毘盧之果海者  
康熙二十二年九月 日華藏室謹題

大方廣佛華嚴經疏論纂要卷第六十